

1 Petoro

¹ Petoro, na Yesu Kristo wane aposolo, nonjo Anutuŋo ŋei ŋerep magukoune ma wesakŋunge, ŋine din bun wiri more yau yaup ariu paki kepe baŋem ge arimami, Pontus, Galatia, Kapadosia, Asia so Bitinia, ŋinane kibi iwa qe ŋibonmaile.

² Anutu Magak eŋe mokaka detki pake, ea wane rokopko ma wesakŋunge, paki eŋine Asuineŋo ŋibuki, ŋei ŋerep kuneneŋ so koboboine okangoi, eamo Yesu Kristo wane don dere tewek okangei, wane so eŋine weŋemineŋo saukŋungi, libe qekei wane, yale okanŋunge.

Wane mosop so peamŋo ŋinano maine wat-watko payake.

Gege Maine Qeliwo Tomaŋone Pamaike

³ Nene Anutu, Waomze Yesu Kristo wane Magaine bakomine kitoŋem, onoka wane eŋe qom borik zok suaine pa manmaikane, Yesu Kristo seu seu ŋine ma wisikae kaki wieke, eao eŋe gege musele ŋene ma wakone ŋebonge, eamo gege wane dereret gege yewarop qewatŋonge.

⁴ Eso ea wane ŋene deze pore alakane, Anutuŋo mosopine zok suaine ŋei ŋerep magukoune eŋane wareka gemaike, ea wane welaine okangene. Eŋe yewa warekaki, weti qeliwo ŋenane pamaike. Yewao, eŋe mi gotosiake, me kine kine maneŋo mi mataliake, me mi mida leleake. ⁵ Mosop yewa mo ŋinane biŋek, ŋine Anutu detlukka okanmami, wane mali malip ŋinane ra more

enane zonomño ware kaulukki, mayakatneka pamageki, Yesuño koso zinge njibuyakane naso suaine didiwo wakonlukeake.

⁶ Njine mosop ea wane batne okane gemami, ño ukude iwa yemo naso bamgoka njine maine wet borik detmami, onoka wane liwe liwek kine kine wakone liwek ñungi, njine wikile dere siluñ soringe more togolekei. ⁷ Liwe liwek korop ea, yemo mali malipnjine togole so libe libe koboboine pamaike me mida, ea wane kine wakoniakane liwek kayake. Gol, tanik yewaka ñei edo kine kine pelekine ea gerepko mitpi, sinoine kutno, ea mo yeine, so gol eaño welainane binjek kine ma wakoniake. No njinane mali malipnjine yemo manerop lewine kakapa suaine, gol wane rokop midakaka, ea wane Waom eñe mali malipnjine yalewaka liwek kayake, paki maine eñe togoleake. Pakimo, Yesu Kristo sari lotkeake, Kaiwe Naso yewao njine banj wet pesek so qeli ewe zonom so bakom mawa mawa marat kaikei. ⁸ Njine Yesu mi kakoi, ño siluñ wet maep okanka okanmami, so enane ñunmai, njine naso iwao deñineño eñe mi kamami, ño siluñ wetñineño detluke malipka okanmami, pakimo, njine wet menañ kakapa suaine, so simile manerop ñei añaño maine mi ra wakon ra wakone, ea detka okanmami. ⁹ Onoka wane njine mali malip njinane wele so oña oña njinane mena menañ ea wane wele marat kamami, wane wet pesek okanmami.

¹⁰ Mena menañ, ea wane propet eñe bororom zuaño, so kaululukko, pakiso, eñe mosop yewa Anutuño njine njiboniake, ea wane don rawakon-

goi. ¹¹ Kristo wane Asuine kotoeno geke, oŋo Kristo eŋe wikile kine kine dere arimage, koso qeli ewe zonomine ma more geake, ea wane weteno don motki, eŋe naso diawao ea wakoni-ake, so ea daleo sari wakoniake rau paki, ea wane kine deskei wane ma zuaŋ okangoi. ¹² Anutuŋo propet rawakone sikan onge, yemo eŋe urata maikai, eamo enŋenane ra more midakaka, yemo ŋido menaŋgei wane rau paki, eŋe kine kine ea ra wakongoi. Wane ŋine ukude Don Maine rawakon ra wakon aposolo eŋano ŋine detmami, Anutuŋo Asu Koboboine qeliwo ŋine talekaki ket more, eŋane zonomineŋo qesinongi, eŋe Don Maine ea ra qelaŋangoi. Aŋelo eŋe yaleka don maine ea weneŋ desikei wane simile det okanmami, ŋo ŋaŋaemami.

Anutuŋo Gege Qelaŋanerop Gekenane Nedorake

¹³ Miti wane kine detluke gemami, ea wane ŋine wetŋine maulukeyu paki, diam ŋine ma more koto ŋinane sawe gekei. Wet wisika gekei, paki wet dereretŋine weku motpi, Yesu Kristo sari lotkeake, naso yewao, mosopine ŋiboniake, eaoka payake. ¹⁴ Anutu wane aŋaine tewekkei, paki mokaka qelaŋ geu paki, gegenine qebinkau, qom riwe riwe ea wane qelit qeŋe okange, yale misuk okanikei. ¹⁵ Ea wane tungo yemo, ŋine kine kine iwa yale miti dereret magu wele, so gegenine ea mo Waom wane qelit qeŋe okane more, ŋine okanikei, koropŋo koboineka okanikei, onoka wane, Anutu eŋe koboboineka gemaikenjo ŋine ŋidora newan ŋungane, ŋido yalewaka eŋerop

koboboine gekei. ¹⁶ Anutu wane Papiango iwa yale ramaike, “Na Koboboine gemailane, njine yalewaka koboboineka gekei.”

Anutujo Kine Kine Lewine Suainenjo Qolenjonge

¹⁷ Njine Anutu menjenkau paki, Magak ora okanmami, eje nei korop tanik manik kine kine okan okanmami, ea wane rokopko nei bonep bonep kineene ma wakone okan onmai ke. Eso ea wane njine iwa kulit kepeo gemami woka, kaet njungi Anutu ewine kito gekei. ¹⁸ Njine gege mage borikine, wele midaine, aso njabokop njine enjano njine makoi, eamo onokakango qolenjune more, siwotnjungi mulap midaine okangoi? Ea njine mo det waremami, eamo kine kine lewine ketkele, silwa me goljo mi qolenjunge, midakaka! ¹⁹ Njine borikino njine siwore qekok njunge yemo, kine kine lewine suaine, Kristonjo, eje lama medeune yale sotine me diine midaine. ²⁰ Anutu eje mokaka qeli so kepe mi ma wakon otko, naso yewaoka eje Kristonjo urata ea mayakane ra mange, eso wako wakon eamo njado naso qoeakane okangi, njinane ra more wakonge. ²¹ Onjo qesinjungi, njine Anutu detlukka malipkakoi, Anutu seu seu njine ma wirikkaki wisikae wieke, so qeli ewe zonomine mange. Eso yalinane njinane mali malipnjine so teba tebanjine Anutu wano makatake pamaike.

Kima Kima Gekenane Miti Donjo Ma Wisikaenjonge

²² Njine don wele ea dere tewekkoi, wane onja onjanjine saukkau, libe libe okange, paki kimakop njine mali malip korop enjerop kima wele okangoi.

Ea wane ukude njine njidomka korop wet maep manerop qei koto njino njinejo saki okannagukei.

²³ Njine wako wakon musele eamo waet mida midaine, eanjine mi wakongoi, yemo Anutu wane don, gegeinerop so papa togon gorop, eanjine wiriu paki wakongoi. ²⁴ Ea wane don Anutu wane don sogino kibi iwa yale qeqinenjo ramaike,

“Nei korop eje touk zubaine yale, eso enane kibi maepene korop touk zuraine yale. Touk eje seukeake, eso zuraine buratke kepeo qakeake, ²⁵ no Waom wane don yemo papa togon pa ariake.”

Don ea, Don Maine miti nei edo njinano ma sari ra qelanjngoi.

2

Waom Eje Wesi Togogle Gegeinerop So Magukoune Eje Libe Libe, Sot Midaine

¹ Don ea raqelajan njungoi, ea wane njine njidomka borikine kine kine korop qelinj warekei, isi don manerop mi raikei, me sola mawa mawa, me qom riwe riwe me gube qesat me det worik okane don njade njade rara, ea yeine qelinj warekei. ² Paki, njerep medep musele abubu wakonmami, eje yale okane more naso banjem onja onja njinane njamu maine libeka ea wane simin njuniake, eso njine yewa neu paki, maine suakei so menangei. ³ Ea wane Anutu wane Don sogine mo kibiwo qeqine, eanjo iwa yale ramaike, “Njine Waom wane wet maep, eamo kau paki detpi simile njunge.”

⁴ Waom wano sariu, eɲe wesi gegeinerop, mat mama ɲei eɲe kau, lewine midaine okangi ɲadekka birakakoi, ɲo Anutuɲo yemo detki lewine suaine, wawaine okangi, ma wakonka more, mat wesi bosin togogole birakake. ⁵ ɲine wesi gegeinerop yale okane sariu, paki, ɲine ɲidomka solanɲine sunkau, Anutuɲo ɲinane sola ebu more, Asu wane Bakom Urum biranɲune, mat mamaike, Urum yewa kotino ɲine baɲ pris koboboine urata maikai. ɲine Kristo wane ra more Urum koto Anutu ewine kito kito, so miti urata mau menanɲi, Anutuɲo ka more siminkayake. ⁶ Anutu wane don sogine kibiwo qeqine mane, yewaɲo iwa yale ramaike,

“Na mat mama, wesi lewine suaine mane ma wakongole, eamo na ukude mat ma togoleakane Zion bonagao mat mamaile, ea wane ɲei mane eɲe ea malipka lukkayake, eɲe maine mi gamukayake.” ⁷ Wesi iwa malipka lukkaikai, ɲinano yemo Kristo eɲe wesi bosin togogole lewine suaine okanmaike, ɲo mi malipka lukkaikai, eɲane yemo Kristo eɲe detpi bosin pelelekatne yale,

“Wesi yewa mat mama ɲei eɲe qaisikka qelingoi, eaɲo qeinge more wesi bosin togogole okange.”

⁸ Ea wane Anutu wane Donɲo mane iwa yale kito ɲedanmaike,

“Wesi yewaɲo qunqɛ, ɲei kieene qegulok warekei, wesi togogole yewaɲo qunqɛ, baɲ rasukei.”

Eje kieene qegulokke rasukei, onoka wane, Don Maine mi malipkakoi, mo sogine Anutuŋo yalewa wakon oniakane so dere togoleke, ea wane rokop wakoniake detke.

⁹ So Anutuŋo Kristo eje yalewa wakononiakane mo detke, ŋo ŋine yemo yalewaka Anutuŋo mo ma wakon ŋunge, ŋine Ŋei Waom Yesu wane pris, ŋine ŋei ŋerep magu kuneŋine, ŋine Anutu eŋine ŋei ŋerep magukoune, ŋine Anutu masi tanikine weku mane ea wane don kisiine ra qelaŋanbi sua ariakane ma wakonŋunge. Oŋo ŋine panaman kotino ŋine ŋidora tebaŋune more, eŋine qelaŋan maepino biraŋunge. ¹⁰ Ŋine sogino Anutu wane ŋei ŋerep magu mi okane gekoi, wane siluŋ ukude yemo eŋine ŋei ŋerep magukoune okanmami, sogino ŋine Anutu wane wet menaŋ ea mi detkakoi, ŋo siluŋ ukude iwa yemo ŋine eŋine wet menaŋ ea mo makoi.

Anutu Wane Qelit Mama Okane Gekene

¹¹ Kimakopne, na ŋine ŋidanbe detpi! Ŋine ŋei lobo yale iwa kulit kepeo gemami! Ŋine solaŋine misuk qeliŋkau bailalaŋ wane qelit qeake, bailalaŋ eaŋo wetŋine matali kayakane naso baŋem okan okanmaike. ¹² Ŋine qelaŋ eŋane keueno gegenine mayakatneka geu, qelaŋ eje gegenine mayakatne, ea kaulukeu paki, borikine mama ŋido rau ra, ea baŋ yeine qeliŋgeu, paki Anutu sariake, kaiwe naso yewao, eweŋine ki-tokei. ¹³ Ŋine Waom Yesu wane rau paki, ŋeiŋo numa kine kine motkoi, yewa tewek warekei. Roma Kepe Ŋei Waom Wawaine eŋane don dere aŋaene tewekkei. ¹⁴ So ware ware ketkele

eḡane aḡaene tewekkei, eḡe kepe ḡei waomḡo ḡei borikine mama, eḡe makoboe oniakane bi-raonge, so ḡei ḡerep masi tanikene mayakatne ma okanmami, ḡei ḡerep yaline eḡe yemo mawa onikei. ¹⁵ Anutuḡo okanikei wane ra okanmaike, yemo iwa yale, ḡei ḡelaḡine ḡelaḡ don, ra siuk okanmami, eḡe ḡinane tanik manik mayakatne yewa kau paki, don rara wane rokop mi okanikei. ¹⁶ Anutuḡo borikinane mulap mo siwot ḡungi, ululuḡ ḡeke gemami, ḡo ḡine yale geu paki, misuk raikei, “Na mo maine yau yaup gewe, eaḡo turuḡine mane mi okaniake me?” O, Midakaka! Eamo eḡe turuḡḡinerop weneḡ okanmaike ḡine maine Anutu wane qelit ḡeḡe ḡekei. ¹⁷ Ea wane ḡine ḡei korop eḡane eweene kito okanikei, ḡei kimakop ḡine mali malip korop eḡe wet maep okanonikei, Anutu wane kaetḡungi, Roma kepe ḡei waom aḡaine tewekkei.

Yesu Wane Kie Tapot Mogare Wikile Desikene

¹⁸ Qelit mama, ḡine ware ware kopḡine eweene kitou paki, aḡaene tewekkei. Ware ware pelekine so momoineka mida, eḡe donene togogle weneḡ, ea wane ḡine eḡane doneene so aḡaene weneḡ tewekkei. ¹⁹ Anutu eḡe ea wane raki paki, baḡ mosop ḡuniake, ḡine siluḡ wikile manerop detmami, yemo Anutu wane rau paki, yale det okanmami. ²⁰ ḡine sot korop okanbi, kumunamḡo ea wane ra ḡinguwi, bau wawa midaine geu, ea wane lewine onokaka zinge ḡiboniake? ḡo ḡine masi maine okanbi, ea wane ra wikile ḡibonbi, bau wawa midaine wikile desikei, yemo Anutuḡo ea wane raki paki, mosop

ņuniake. ²¹ Anutu eņe ea wane raki paki, ņidora newanņunge, onoka wane, Kristo oņom ņinane ra wikile peikki paki, numaine sikanņungane, ņine eņane kie tapot yewa maine mogasikei. ²² Yesu eņe sot mane mi okange, isi don mane aņaino ņine saketki, ņei maneņo mi detke, o midakaka. ²³ Kristo eņe masi worik okankau paki, don qotkoine olatpi, eņe turuņine don qotkoine mi mainge edange. Eņe wikile manbi, turuņine qom sua don mi edange, eņe iwa yale detke, “Anutu eņe wano wanokze koboboine, oņom naņane kine dere wanok okaniake.” ²⁴ Kristo oņom ņenane borikineze peikki, kutno waki kauke ari kibeņ qabego rasikke, wane ņene maine borikinezane ra more seukenane, eso koboboine gegezane gege maine gekene, so eņane kubetineņo ņinane sot kubetņine maki osike. ²⁵ Ⱥine lama yale, numanine qeliņge touko ket yau yaup ariwarekoi, wane ukude yemo mo Anutuņo ņibu sa biranņungane Welaņine, so oņa oņa ņinane Ware Ware eņane ņadino mogare arikei.

3

Nao Ⱥanom Don

¹⁻² Ⱥine Waom eņine mogare arimami, rokop yalewaka ņerep ņine ņaokop ņine eņane bango ketkele gekei, ņo ņei eņanoņine natne eņe Anutu wane don dere mi malip kakeiwo, yemo eņe baņ ņerewekopeene ņinane tanik manik mayakatne, donņine midaine, gege magenine bailalaņ gorop mida, yalewa geu paki, ņaokopņine eweene ki-tokei, so eņe ņinane masi tanik manik ea ka

more eje yalewaka Anutu malip kaikei. ³ Njerep, njine solanjine mauluke more kibi maep korop gege, ea waneka misuk detokangei, lewenjine manerop mauluke yaso yaso, me kikum ebe ebek, me takot laplap kibine lewinerop kine kine masi eaka mida. ⁴ Ea wane turunjine yemo, njine kotonjinane kibi wele ea maikei, kibi maep ea papa togon, eanjo wet pesek so kotonjino tik siuke payake, ea yemo lewine suaine, Anutuño kaki menageake. ⁵ Miti njerep sogine gekoi, eje wetene Anutu wano motpi paki, numa yaleoken okane kibi maep weteno aukoi, paki njakopene enjane bango ewene kito ge more maulukone gekoi. ⁶ Sara eje yalewa okange, eje Abraham anjaine teweke geki paki, iwa yale orake, “Nanjane Waomne.” Njine ukude Sara wane borasokoune okanmamiwo, yemo njine kine kine maineka okangei, so njakopnjine edo qelan okanbi ea wane njine misuk kaet okangei.

⁷ Nei njine yaleka njanowekopnjine enjerep bororom gekei paki desikei, eje njerep zonomene midaine, ea wane njine ewe kito kitoinerop okan ongei, onoka wane eje yaleka njinerop Anutu wanonjine gege wane mosop ban wenen makei, njine yewa okangeiwo, yemo kine kine manenjo menje menjennjine ea mi lenjkayake.

Nine Doku Tau Tau Magu Daleo Okannagu Gekei

⁸ Njine doku tau tau magu ea wane daleo okannagu gekei? Yemo iwa yale, njine korop dereret weku so wet wekuka ma gekei, njine kimakopnjine wet maep okanonikei, so maulukone

more ketkele bororom gekei, ⁹ Masi qotkoine okanɲunbi, ɲine turuɲine masi qotkoineka misuk okan onikei, me soakɲunbi, ɲine turuɲine misuk soakonikei, ea wane turuɲine yemo mosop onikei, onoka wane, mosop yemo Anutuɲo mo ɲiboniakane ra ɲidangi paki, ea wane ra ɲidora newan ɲunge. ¹⁰ Anutu wane Don sogine kibiwo mo qeqine eaɲo yale kito ɲebonmaike,

“Mane eɲe gege wane simile kamaike so, naso maine marat kayakane okan kamaikeo, eɲe don qotkoine mane mi rayake, so isi don rara ea qeliɲ wareake. ¹¹ Eɲe qotkoine ɲadekka more maine ea okaniake, eɲe peam ɲei magu zuage keueno maratkaki paki ea mogare ariake. ¹² Waomɲo ɲei koboboine eɲano deine pore wareongi paki, naso baɲem meɲe meɲeneene det okanmaike, ɲo borikine mamami, yemo ɲadekon okanmaike.”

Qelaɲ ɲei Eɲe Wikile Wakon ɲoniake Ea Wane Girem Don

¹³ ɲine kine kine mayakatne ea okanikei wane sorin borin okanbi, maɲo baɲ matali qetali okan ɲuniake? ¹⁴ ɲo ɲine gege mage mainane, wikile kutɲino wayakeo, yemo ɲine wet pese desikei, Anutuɲo baɲ mosop ɲuniake! ɲei eɲane misuk kaet ɲuniake, so dere mezet mi okangei. ¹⁵ ɲo wetɲineɲo yemo Kristo ma walukkau koto ɲino geake, so wetɲine birakau Waom ɲinano paki, ewine kito gekei. Eweke more naso baɲem ɲei mane maɲo titi qeson ɲibuki, ɲine wetɲineɲo Anutu wane don kine kine tebaka gemami,

ea wane kine ra qelaŋan olasikei. ¹⁶ Nɔ ea yemo wet pesek so ewe kito kitorop okane ra qelaŋangei, wet dereretɲine warekau qelaŋan gorop payake, yale okane ɲine Yesu Kristo wane dokoine okane more kine kine maine okanmami, ea wane ra more qelaŋ edo isi don ra mabaik okan okanmami, ɲo ɲado yemo ɲinane gegerɲine so masiɲine maineɲo eɲane isi don rara, ea tileke sikanongi, kau paki, baɲ gamuoniake. ¹⁷ Onoka wane, kine kine maine okanmami, ea wane yemo Anutuɲo detki, maine wikile kutɲino wayake, ɲo borikinane wikile kutɲino wayake, dereret eamo qotkoine. ¹⁸ Kristo oɲom ɲinane ra seukke, eɲe atak weku eaoka borikine korop ea wane seukki midake, eɲe ɲei maineɲo ɲei borikine eɲane seukke, yemo ɲine iwenɲune ari, Anutu wano biraɲuniakane, yale okange. Eɲe solarop gekane qeu seukke, ɲo Asurop gekane ma wisikae kake. ¹⁹ Yesu kibego seuke more deɲesereo pake, ea wane keuno, naso yewao ɲei sogine miti midaine, ge more seukoi, eɲano ari miti edange, eɲe weteene maingeu rap. ²⁰ Iwa yemo ɲeiwa Anutu aɲaine teweke ewine mi kitou paki, borikine kine kine loutne so umatne mau, eɲe ongi mi menaɲgi, raki doku qakumɲo enguwareke. Nɔ naso yewa Noaɲo Anutu wane don malipka toma ge more seki make, ɲei ɲerep ewekineɲoka sekiwo wakoi, eɲe 8 ɲoku, sekiwo metpi dokuɲo sese onge. ²¹ Eamo doku tau tau ea wane girem don ea sikanonge, wane ukude ɲine miti dokuo tauonbi, Anutu wane don malipkau paki, eɲe ma menaɲɲune okanmai. Eaɲo solaɲinane dika mi sauk okanmai, eɲe Anutu

tebakaki sari wetnjine mauluke saukki libe qe qelangi gunulemaike. Eajo Yesu Kristono njinane sot wane ra more seuke koso wieke, yewao ma menanjun okanmaike. ²² Anutuño eje qeliwo birakaki wake paki, Anutu wane wonino qeli ewe zonomineropño mere more, ajelo wawaine, so qeli ñetne zonom gorop, korop ea wareongi, enjane bango ge waremami.

4

Yesuño Wikile Detkane Njine Yaleka Dere More Borikine Nadekkakene

¹ Yesu eje solaine wikile detkane, njine yaleka okanikei, wane ma togole naguwi paki, dereret weku eaka wetkekei, onoka wane mane eje Yesu wane ra more solaineno wikile desiake, wikileño wet dereretne ma menanjaki, yemo borikineño koso mi ma pese kayake, eje borik-nane zonom yuanka more koboboine geake. ² Ea wane ukude yemo njine kepeo gege gemami-woka, gegenjine ea korop Anutu wane simileño warekaki gekei, ñei qomene riweki borikine mamami, eajo midakaka. ³ Njine qei bano gesakoi, yewao naso loutne qeligeu paki, ñei qelan edo okane gekoi, tanik yewa okangoi, njine qelan gegenjine qelin warekoi, yemo borikine yau yaup mama, wetño bailalan qole qole, doku togole ñat qe qe nene, osom berek ñat qe qe nene, bat ma more newanonbi ari doku togole zok neu paki qelan qe more, wenip qotkoine oka okan, so lpio enjane qelitene qe more menjenon menjenon,

ea mado madonjine. ⁴ Eso iwa yemo njine qe-
lanj hei enano takotke more gege mage wekuka
zubaine so qazazaŋka mi okanmami, wane enj
onjaene qaemaikē, paki enj njine don qotkoine
njidanmami. ⁵ Njo enj banj kineene Anutu wano
rau paki don urata makei, enj mo hei seu se-
une so wisikaune kineze ma wakoniakane ewek-
maikē. ⁶ Kine iwa yale wane, Yesuŋo Don Maine
ea hei sogine miti midaine seukkoi, enjano yaleka
miti edange. Yemo enj solaeneno maine hei
numa qotkoine pamaikē, ea wane rokopko, korop
turuŋine marat kakei, eso onja onjano yemo wet
maingeu paki, enj gege maine Anutu gemaikē,
yale waka gekei wane, ea edange.

*Urata Medep Maineno Anutu Wane Metezamot
Maine Matokeake*

⁷ Yeye kine kine korop qoeakane, naso mo
bomilemaikē, ea wane njine koto njinane sawe
so titiine geu paki eweke more menjenkakei.
⁸ Kine kine korop ea wane kutno yemo njine
kimakopnjine enjrop wetnjine kotinenjo wet maep
okan nagu gekei, onoka wane, wet maepno ki-
makopnjine okan onikei, yemo banj enjane sot
turuŋine maine mi mainge ebonikei, wet maepno
sotze loutne ea kawetka waremaikē. ⁹ Hei ki-
makopnjine enj njinane matko waikē, njine enjane
matko maine waikē, yale okane don kutne
midaine, mapi mapik okan nagukei. ¹⁰ Njine ko-
ropno Anutu wane mete zamot bonep bonep kine
mane kine mane mawarekoi, wane mete zamot
yewa mageu, paki hei kimakop njine natne enj
kito qesinj ebukey wane, Anutu wano njine mete
zamot kine mane ea makoi. ¹¹ Mane enj miti don

rayake, yemo Anutu wane don okaniake, mane enje qesi qesiŋ urata mayake, yemo Anutuŋo zonom maniake, ea wane rokop mayake, pakiso yeye kine kine ea wane bakom mawa mawa, yemo korop Yesu Kristo wane ra more Anutu okankakene, enano qeli ewe zonom so qelanŋan tako rakot pa ariake. O, Weleka.

Doku Tau Tau Magu Gemaineŋo Yesu Wane Ra More, Wikile Dere Wetpese Maratkakene

¹² Kima maep kopne, liwe liwek wikile teine ŋinane kutŋino waki wikile detmami, ea wane oŋaŋine misuk qaeake, eamo kine kine mi wako wakone kunenŋine ŋinano wakonmai. ¹³ Ea wane ŋine Kristorop wikile geturage detmami, wane wet pese desikei, paki gemage qeli ewe zonom wakoniake, naso yewao ŋine maine wet pese dere more oi bakom suaine okangei. ¹⁴ ŋine dere worik okan ŋune qaisik ŋunikeiwo, yemo ŋine wet menaŋ desikei, onoka wane, ŋine Kristo wane enet biŋekine mageu, paki enane dokoine okanmami, ea wane kine yemo Asu wane qeli ewe zonom, Anutu wane Asuŋo ŋinane kutko geake. ¹⁵ ŋinano ŋine manenjo ŋei mane geki seukeake me, kobu wane, me masi tanik gotkoinane, me wawaine okane ŋei natne enane kine kineene kobu wara waraŋ, ea wane wikile dereret eamo misuk okaniake. ¹⁶ No ŋine miti wane ra more wikile kine kine okan ŋunikeiwo, yemo ŋine ea wane misuk gamu ŋuniake, onoka wane, ŋine doku tau tau magu, Kristo wane enet biŋek magemami, ea wane Anutu bakomine kitokei.

17 Kine ma wakon ma wakon urata kie kiek ea wane nasoine mo bomilemaike, wane Anutu enjine nej nrep magukoune enano alakane ki-neene ma wakoniake. Kine ma wakon mawakon urata ea nenano kiekeakeo, yemo nejwa Don Maine Anutu wanonjine sariki, mi dere malipkau paki ndekka okanmami, enano daleo banj maki qoeake? Ea yemo mi qoe goene! 18 Ea wane Anutu wane Papiao yale ramaike,

“Nei maine enane mena menan yemo umatne, no Anutu midaine so borikine mama ene yemo daleo wakon oniake? Ene banj umat togogle marat kaikei.”

19 Eso ea wane nej natne ene Anutuño detki menangi, wikile kuteno wayake, nej yewa ene gege mageene koboine gekei, paki onja onjane kopka Mawakon Mawakoneene sunka manikei, ene naso banjem rara togon donine ea wareka okan onmaike.

5

Ware Ware Njine Anutu Wane Lama Magu Wareonikei

1 Njine doku tau tau magu enane netne gemami, njine nanane don njidanbe detpi, na yaleka netne gemaile, na dene qominejo kawe Kristo ene wikile detke, na enane kine rara, so qeli ewe zonom wakoniake, yewao na banj welaine okanikale. Na njidanbe detpi. 2 Njine lama magu Anutuño metenjino bira onge, enane ware ware okangei, pakiso, Anutuño okangei wane wetke njibonmaike, ea wane rokopko bau wawa midaine mauluke wareone gekei. Njine uratanjine makei,

yemo lewine qole ñunikei wane wetkeu paki, maine misuk makei, ñine urata ea wetñineño simile detkau paki makei. ³ Ñine ñei ñerep magu yewa wareonikei wane raki paki metenino biraonge, ea ñei waom solanoka okan one more togoleka ware ongeiwane misuk okangei, ñine lama numa sikan onbi paki bororomgo wet maepko alakane ebonge. ⁴ Paki gemage, lama enane Ware Ware Suaine, Yesu lotkeake eao ñine ban marok qeli ewe zomine weneñ wagi wagine sutke paki bori worine midaine ea makei.

⁵ Ñei qaluwit, ñine yaleka ñidanmaile, ñine ñei suaine enane bango ketkele gekei, so ñine koropño ketkele geu paki, qelitñine qenagu gekei, ea wane Anutu wane Papiao iwa yale ramaike, “Anutu ene ñei wawaine enane nago nagon makokki qorodoge ket okanmami, ño ñei ketkele gemami, ene yemo mosopine sunka ebon okanmaike.” ⁶ Ea wane Anutu zominane bano gemamiño maket bira nagu more ketkele gekei, eso ene ban enine naso binekine maine detki pamaike, eao ukude iwaka so ban ñibu wieake. ⁷ Dere qeka okan okanmami, kine kine korop ea enane kutko mosikei, onoka wane, oño ñine naso banem wareñun okanmaike, ea wane.

Wet Wisika Gekene

⁸ Wet wisika geu, diam seleleine mau! Ñinane ñabanjine, Satan, ene laion yale anaine anage, ene me ene qotkawe raki paki ari lotke sari lotke okane gemaik. ⁹ Ñine mali malipko kito togogole okorau, paki ene mapapkau kesiake, onoka wane mida, ñine mo detmami, ñinane kimakopñine

doku tau tau magu mali malip korop kepe banjem ge arimami, enano wikile iwa yewaka wakonwareke pamaike. ¹⁰ Njo njine yemo nasomde bangoka wikile detpi, ea wane njadino Anutu, mosop kine kine korop ea wane welaine, onjo qeli ewe zonom papa togon Kristo wano pamaike, ea wane njidora newan njunge, onjom ban njibuki menangei, so togole togole, zonom, so nago nagon mane njiboniake. ¹¹ Enano zonomjo takorakot pa ariake! O, Weleka.

Don Qoi Qoine

¹² Na don bamgo iwa Silas olatpe, onjo qesin nane more qemaiké, na enane detpe kimane wele okanmaike. Na njine ma togolenjune more nan njingumaile. Yemo iwa yale. Iwa yemo Anutu wane don wet dereret. Njine ea wane kotino gesoke togole okorakei. ¹³ Njinane kimakopnjine, doku tau tau magu mane Babilon kepeo gemami, ene yaleka Anutujo mo ma wakonone biraonge, edo njinane kaiwe maine, ra motpi sarimaiké, so miti medepne Mareko ene yaleka njine kaiwe maine njibonmaiké. ¹⁴ Njine mete au au eamo wet maepjo doku tau tau magu gemami, wane lulu zam zam aukei. Peamjo maine Kristo wane binjek gemami, njinano korop pawareake.

Waom Yesu Wane Sigi Maep Don
The New Testament in the Ono Language of Papua
New Guinea

Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963